

籌辦夷務始末

第二函
十九冊

籌辦夷務始末卷之四十五

咸豐九年己未十一月己巳

盛京將軍王明戶部侍郎倭仁奉天府府尹景霖奏。夷情反覆。事局變遷。明春海防。最為緊要。等會同籌議。奉省之海防。未有如沒溝營之最為緊要者。蓋沒溝營為通省海疆門戶。防守若固。二公河一帶。自可無虞。春間曾經倭仁據實奏陳在案。等伏查沒溝營街市臨河。閭閻比櫛。巷道狹窄。沿岸舊有土築品牆八十三堵。現已加高培厚。今春復經添築土礮臺十一座。並於東弓灣扼要處所。添築土礮臺三座。安設大小礮位。檣槍等械。藉資捍禦。具田

莊臺兩岸。新修礮臺四座。營盤三座。安設礮位。兵勇防守。內河亦甚周密。惟沒溝營之西弓灣。距營街十餘里。河形至此灣環。折向西南入海。此處水勢較深。中藏砂礫。船隻到此。必須折戩。方能駛入。實係咽喉扼要之區。若在該處水中設伏。並於岸上安礮築壘。迎面截擊。最為得力。等等相度地勢。體察情形。西弓灣之防。萬不可緩。擬請即在該處南北兩岸。添設礮臺八座。營盤四座。其北岸陸路可通田莊臺。相距三十餘里。並擬在適中之小莊子地方。安設營盤。南可捍衛西弓灣之礮臺。北可接應田莊臺之後路。互相應援。聲勢聯絡。惟西弓灣兩岸地勢低窪。且係葦塘。

陷。必。須。挑。壕。墊。道。其。大。小。潮。溝。亦。須。修。理。浮。橋。至。礮。臺。
營。壘。仍。須。遠。方。取。土。修。築。工。力。本。不。易。施。物。料。難。免。耗。費。
然。係。海。防。第。一。扼。要。處。所。即。百。倍。其。功。亦。應。竭。力。修。造。因。
思。水。陸。齊。防。必。須。安。設。大。礮。沒。溝。管。現。存。大。小。鐵。礮。三。十。
七。位。斤。數。較。輕。均。不。適。用。且。係。該。處。商。民。捐。造。用。以。自。衛。
俱。在。營。街。並。東。弓。灣。一。帶。分。設。今。僧。格。林。沁。由。津。撥。解。洋。
鐵。礮。四。位。一。俟。解。到。等。等。即。令。運。赴。西。弓。灣。安。設。惟。現。擬。
添。築。礮。臺。八。座。礮。位。較。少。實。屬。不。敷。分。布。擬。請。添。鑄。萬。斤。
銅。礮。四。位。五。六。千。斤。銅。礮。十。二。位。而。奉。省。既。缺。銅。斤。又。乏。
匠。役。合。無。仰。懇。

天恩。由京火器營。抑或天津大營。酌撥萬斤。及五、六千斤銅礮。十六尊。於明年開河時。運赴沒溝營海口。以資扼守。抑努等更有請者。查天津曾設木筏鐵戢水雷。為礮之標的。實係海防中設伏之利器。第西弓灣河面較寬。水勢洶湧。木筏檔牌。易致漂泊。難以施用。惟鐵戢水雷。河內設伏。斷不可少。奉省並無諳練匠役。礮難鑄造。相應請

旨飭下。僧格林沁酌量撥給。派員由海運送來營。擇要安設。於防務實有裨益。至礮臺營壘規模做法。今春田莊臺修工。奉省旗民各員。均已諳練。即該處土木工匠。亦皆熟習。如蒙俞允。即由努等飭令該旗民地方官。趁此大潮退涸。將及凝凍之

時先為備料。一俟春融。即行開工。趕緊修築。惟工程需用孔殷。等通盤籌畫。現在

盛京部庫。存有長蘆鹽政解歸欠款銀六萬兩。曾經奏准。以備設防修工之用。擬請動支銀四萬兩。以便購料興工。下餘銀二萬兩。擬請作為明春防兵口糧。所有動支庫項。容俟等設法勸捐。陸續歸補。

硃批。注意於西弓灣扼要必勝。固屬甚善。若礮臺稍有意外。則後路雖有小莊子應援。恐一時氣餒。禦侮不足。自亂有餘。總不如在大小湖溝。立科礮子房等處。多設旗幟。疑兵若伏而不動者。誘彼深入。彼若桀驁不馴。先行開礮。則操勝自我。即使意圖窺

伺打水探詢。則該夷有所顧忌。未必敢恣意所為。方為計之得也。

諭軍機大臣等。本日據玉明等奏。明春沒溝營設防事宜。並繪圖帖說呈覽一摺。據稱。西弓灣等處。現擬添築礮臺八座。礮位較少。不敷分布。擬請由津酌撥萬斤及五六千斤銅礮十六尊。於明年開河時。運赴沒溝營海口。並因西弓灣河面較寬。利用鐵戲水雷。請飭一併撥給。派員由海運送到營。擇要安設。各等語。西弓灣地方。雖屬扼要。總不如在大小潮溝。立料礮子房等處。多設疑兵。既可誘其深入。兼可杜其窺伺。較為得計。已於該將軍等摺內詳晰批示矣。因思僧格林沁於該處情形。尚為熟悉。

該將軍所稱應需銅礮鐵戟水雷各件。是否係該處必需之用。及何處需用若干。即著酌量情形具奏。再行撥給。現屆節候嚴寒。海河冰凍。夷船當無北駛之理。前諭僧格林沁布置防兵各節。如已完備。即著該大臣遵照前旨。帶領京營官兵回京。以資休息。毋稍延緩。王明等原摺著鈔給閱看。地圖一併發閱。

辛未

欽差大臣兩江總督何桂清奏。十月二十五日。據署蘇松太道吳煦委員藍蔚雯稟稱。探聞印度輪船。於二十二日夜。到上海。喫啡定見發兵前來。有喫啡各一萬。印度一萬之說。夷酋是否另換。尚無確信。二十六日。復據稟報探聞該夷等。

或云屯兵上海。或云屯兵定海。又云夷兵到日。先停各口
稅餉。鈔錄香港新聞紙。馳呈。並接粵海關監督恆祺。由輪
船寄來之信。云。喫夷所調之兵。漸次到粵。目前尚不見舉
動。各等情。二十七日戌刻。又接吳煦等稟。二十五日。喫夷
司稅德都德。往見該署道等。密報。喫沸水陸兵。係由印度
調來。因而較速。今兵頭已到香港。不日前來上海。噶嚕嘶
已接本國之信。昨夜傳夷商密議。不知何事。誠恐礙及稅
務等語。該署道等答以。噶嚕嘶在津。自取其辱。不知愧悔。
復激怒該國王。調兵報復。中國豈有豫備。恐爾國徒勞無
益。該夷無詞可答。詰以夷兵何時到齊。何時赴津。該夷答

以未知詳細。至邊約在明年春初。但夷船亦不畏冰凍。許以得有確音。再行密報而退。將夷行探報稟呈前來。臣查閱探報。該兵頭曼斯必帶兵六千。已抵香港。數與恆祺函稱。漸次到粵之語。大約相符。

諭軍機大臣等。何桂清奏探聞喫嘍夷兵已到香港。並鈔錄新聞紙探報呈覽一摺。喫嘍稱兵報復。事在意中。惟探稱兩國調兵。共有三萬。且有不畏冰凍之說。難保非該夷張大其詞。清我聽聞。而既有此言。則天津防堵。自未可稍弛。現已諭令僧格林沁。仍駐大沽。暫緩進京。海口防兵。亦令緩撤。仍著何桂清隨時偵探夷情。續行馳奏。再行斟酌辦理。如該喫嘍兵船先到上海。著

何桂清督飭吳煦等前往。問其是否來此議和。於該國調兵等事。佯為不知。看其如何回答。或可迎機開導。俾就範圍。亦可為弭兵之計。至新來兵頭曼斯必。如果到滬。欲與該大臣會晤。更可面為理論。儻何桂清因江南北軍情緊急。未能遠離常州。即著徐有壬。督同藩司王有齡前往上海。會商吳煦等。妥為辦理。至該夷欲停關稅。無非意存要挾。須知中國兵餉。固取資於關稅。該夷兵費。亦豈不賴有貿易。如果夷商以停止貿易為憂。可告以喫啡興兵犯順。本應絕其通商。儻該兩國不知悔悟。再敢用兵。即難再與交易。不可露出我國慮其停市之意。或可杜其挾制。而籠絡夷商。亦未始非暗制該夷之一法也。此後情形。仍

著確探具奏

又

諭前因節候嚴寒。海河冰凍。諭令僧格林沁於布置防兵事宜。料理完竣。即帶領京營官兵回京。以資休息。茲據何桂清陳奏各情。並鈔錄新聞紙探報呈覽。據聞喫佛各調兵一萬。印度一萬。赴津報復。為時在今冬明春。並不必等候開凍。其喫國兵頭曼斯必帶兵六千。已抵香港。粵海關監督恆祺亦咨稱有夷兵到粵各等語。所言調兵三萬。或係恫喝之詞。雖未必確實。而既有不待開凍之語。不可不預為之防。所有應行酌撤之防兵。暫且毋庸議撤。並著僧格林沁暫緩來京。仍在防所。以資鎮定。本日

已諭何桂清再行詳加偵探隨時馳奏其覆奏到時再行諭知該大臣可也。至此次夷船如果前來著恆祺即派委委員前往探問。告以欽差現在上海可往上海與何桂清商辦如欲在津換約須俟奏明辦理。此間專主防勦並非議和之地。看其如何答覆迅速馳奏。儻仍不遵理諭肆其狂悖毀我防具該大臣惟當激勵兵勇奮力攻擊挫其先鋒。惟在該大臣隨時酌辦。固不可坐失事機任其猖獗亦不可先行挑釁致啟兵端使該夷有所藉口。何桂清原摺並新聞紙探報均著鈔給閱看。

乙亥。

欽差大臣科爾沁親王僧格林沁直隸總督恆福奏查喫喘兩夷。

自被創後。報復之心。總未能忘。細閱香港新聞紙。及夷行探報。所稱喚咈各調兵一萬。印度調兵一萬。虛實數目。雖不可知。而赴津報復之言。又香港已有夷兵之信。自屬確鑿可據。大沽海口。為該夷兩年窺伺之地。自當加意嚴防。所有各路馬步官兵。未便再行裁撤。拳僧格林沁已通知照舊防守。至派委委員前往探問一節。拳恆福即遵照豫先派定。惟該夷既稱帶兵三萬前來報復。恐未必以換約為詞。如果斂其驕悍。曲意求和。自當飭令委員迎機善導。看其如何答覆。據實馳奏。聽候

諭旨。儻肆其猖獗。故智復萌。或以火輪船隻直闖海口。或以步隊

夷兵捨舟登岸。擾及營盤左右。則兵家利鈍之機。決於俄頃。惟有激勵將士。奮力迎勦。以申

天討而挫兇鋒。斷不敢有失事機。致滋貽誤。

硃批。知道了。前諭不可先行挑釁。實為要語。若該夷輪船沖擊。毀具開礮。或登陸抄襲。亦斷不可致失機宜。慎之。

僧格林沁又奏。玉明等因喫喘二夷。曾在天津受創。明春必分竄沿海各省。肆行滋擾。亟應豫籌防守機宜。以期有備無患。伏思該夷既在天津受創。其報復自應仍在天津。至所稱欲往山海關一帶尋釁滋擾。難保非聲東擊西。意圖牽制。該夷雖無信義。而利心至重。歷年桀驁狂悖。無非

志在通商。沒溝營即牛莊為各口之一。該夷仍留貿易地
步。一經窺伺。其通商各口。是其自行拒絕。查本年七八月
間。夷船三隻。沿海各口岸。隨處游駛。獨不至沒溝營者。已
可概見。該將軍等。欲於彼處設防。自係嚴守門戶。保衛商
民起見。殊不知夷人並不擾害商賈。該夷受創之後。通商
各口。照常貿易。並無滋擾。即此可知。揣度夷情。沒溝營毋
須設防之情形也。撫馭外夷。自應曲意羈縻。使之感戴。如
實有桀驁情形。有心尋釁。萬不得已。懾以兵威。使之畏懼。
本年大沽之役。釁自彼開。是以受創之後。雖憤恨於心。而
自知理曲。無可置辯。若撫局未定。我於通商之處。先行築

壘安兵。是自我拒絕。該夷轉得有所藉口。此據理而論。沒溝營不可設防之情形也。該處既經修築礮臺營壘。自應派撥官兵嚴密防守。該夷詭詐百出。狡猾異常。儻有心窺伺。一面在上海議和。一面揚帆駛進海口。明為通商。暗伏奸計。擊則釁自我開。不擊則一經闖入內河。營壘礮臺。悉非我有。此以局勢而論。沒溝營未便設防之情形也。水陸布置。疏密既須合宜。聲勢尤貴聯絡。西弓灣河面較寬。兩岸相隔甚遠。設有警動。彼此不能應援。即內河一切防具。亦難安設。且更無如許之多。此以地勢而論。沒溝營難以設防之情形也。儻該夷竟敢闖入內河。駛近田莊臺。是該